



Bygdeutviklingsfond for Granvin

Vedteke i Voss heradsstyre 10.juni 2021 i sak.....

1. Heimel og føremål

Intensjonsavtale av 7.4.16, pkt. 10

Av den statlege eingongsstønaden knytt til kommunereforma (Reformstøtte) skal det setjast av kr 10 millionar til eit bygdeutviklingsfond for Granvin. Fondet skal forvaltast av eit fondsstyre vald av kommunestyret. Styremedlemene skal vera busett i Granvin.

Midlane skal nyttast til trivsels- og bygdeutviklingstiltak som gagnar tidlegare Granvin herad. Styret kan for det enkelte år peika ut bestemte føremål som skal vere grunnlag for tildelinga.

2. Kapitalforvalting

Fondsmidlane skal avsetjast som eit bunde fond i Voss herad.

Voss herad har ansvar for å forvalta fondskapitalen slik at den gjev forventa høg avkastning i forhold til risiko.

Det er ei målsetting at fondskapitalen over tid skal halda sin verdi målt mot 2020 kroneverdi. Dette vert sikra ved å nytta ein handlingsregel for uttak av midlar til utdeling. Handlingsregelen gjev at det kvart år skal setjast av 2 % av fondet sin verdi til utdeling. Fondet sin verdi skal reknast som summen av omløpsmidlar pr 31.12 året før utdeling. Ikkje utdelte uttak skal akkumulerast og kan delast ut seinare år.

Årleg kan det setjast av inntil kr 30 000 til mindre prosjekt med tildeling inntil kr 5000 pr prosjekt. Desse midlane kan tildelast av styret ved enkel sakshandsaming (t.d. på e-post til styret) utanfor dei ordinære søknadsfristane.

Fondsforvaltinga må følgja det til ei kvar tid gjeldande internasjonale regelverket som Noreg er tilslutta.

3. Bruk av fondet

- a. Det vert gjeve tilskot i samsvar med føremålet.
- b. Det kan gjevast tilskot av ulik storleik avhengig av søknadane.
- c. I særlege høve kan det ystast tilskot med opsjon på tilskot over fleire år.
- d. Lag, organisasjonar og andre aktørar med tilknytning til Granvin kan søkja.
- e. Det blir som hovudregel ikkje gjeve støtte til privatpersonar.
- f. Det blir normalt tildelt midlar to gonger i året.



4. Kva tiltak kan det søkjast om

- a. Investeringar, tiltak og prosjekt med varig verdi som kjem mange i lokalsamfunnet til gode.
- b. Prosjekt som bidreg til å skapa engasjement og inspirerer til dugnadsvilje.
- c. Prosjekt som bidreg til å realisera idear og utløyser gode krefter lokalt.
- d. Tiltak som er eigna til å auka trivselen og gjera lokalsamfunnet meir attraktivt å bu i.
- e. I særlege høve kan det bli gjeve tilskot til næringsføremål.

Det ein søker støtte til, skal vera konkrete tiltak og med klårt uttrykt mål.
Gjennomføringsplanen skal ha definert startdato og ferdigstillingsdato.

Det blir som hovudregel ikkje gitt støtte til drift.

5. Vilkår for tilskot

- a. Søklarane må leggja fram prosjektmale, budsjett og finansieringsplan.
- b. Namn på søker og andre involverte partar, organisasjonsnummer (der det finst).
- c. adresse, kontaktperson, telefonnummer skal kome fram av søknaden.
- d. Det skal leverast ein enkel rapport og rekneskap til alle prosjekt.
- e. 80 % av tilskotet blir normalt delt ut ved oppstart av tiltaket. 20 % av tilskotet blir tildelt etter at sluttrekneskap er levert.
- f. Ved misleghald kan ein krevja tilbakebetaling av tilskotet.

6. Fondsstyre og sakshandsaming

- a. Fondet skal ha eit styre som skal vere samansett av personar busette i Granvin.
- b. Styret for fondet skal ha 3 medlemmer med 3 varamedlemmer vald av heradsstyret etter innstilling frå valnemnda.
- c. Styreperioden følgjer valperioden.
- d. Styret har ansvar for utlysing, tildeling, rekneskap og årsmelding. Styret kan tilsetja/leige sekretærhjelp til sakshandsaming ved behov.
- e. Det blir gjeve ordinær møtegodtgjersle fastsett av heradsstyret for styremedlemmene.
- f. Styreleiar kan kompensast for meirarbeid.
- g. Alle tildelingar skal protokollførast og bli offentleggjorde.

7. Årsmelding og rekneskap skal sendast heradsstyret.

8. Vedtektsendingar skal vedtakast av heradsstyret